

Na sala de comisións “Otero Pedrayo” do pazo Parlamento de Galicia reúnese a Comisión Permanente non Lexislativa de Control da Corporación RTVG, o día 27 de setembro de 2024, ás 10:30 horas, logo da convocatoria remitida para o efecto.

Asisten as persoas que se relacionan a seguir:

Mesa:

Raquel Arias Rodríguez
(Presidenta)
Enrique Barreiro Sánchez
(Vicepresidente)
Iago Suárez Fernández
(Secretario en funcións)

Vogais:

Grupo Parlamentario Popular de Galicia (P):

Victor Manuel Baladrón Lamas
Cristina Campero Dorado
Juan Manuel Casares Gándara
Jesús María Fernández Rosende
Paula Mouzo Mas
Carmen María Pomar Tojo
Ángel Rodríguez Conde

Grupo Parlamentario do Bloque Nacionalista Galego (BNG):

Daniel Castro García
Mercedes Queixas Zas
Olalla Rodil Fernández

Grupo Parlamentario dos Socialistas de Galicia

Julio Ernesto Abalde Alonso
(en substitución de Silvia Longueira Castro)
María del Carmen Rodríguez Dacosta

Grupo Parlamentario Mixto (M):

Armando Ojea Bouzo

Comparecente:

Director xeral da Corporación Radio e Televisión de Galicia– CRTVG

Letrado:

Juan Carlos Caride Puente

A presidenta abre a sesión e rógalle ao secretario en funcións, Iago Suárez Fernández, que lle dea lectura á relación de membros titulares da Comisión para os efectos de comprobar a existencia de quórum de constitución. Logo da constatación deste, éntrase no desenvolvemento da orde do día obxecto desta sesión.

Punto único.- Preguntas

- 1.1 10380 (12/POC-001772)**
Grupo Parlamentario dos Socialistas de Galicia
Rodríguez Dacosta, María del Carmen e Longueira Castro, Silvia
Sobre as causas do atraso na negociación da nova clasificación
profesional do persoal da CRTVG e a postura da Corporación ante
as reivindicacións da parte social e a entrega de informes
Publicación da iniciativa, BOPG n.º 83, do 13.09.2024

A señora **Rodríguez Dacosta, María del Carmen (S)**, dá contas das razóns que a levaron á formulación desta pregunta, expresándose en termos semellantes aos publicados no BOPG anteriormente subliñado.

En representación da Xunta de Galicia intervéñen o **señor director xeral da Corporación Radio e Televisión de Galicia, Alfonso Sánchez Izquierdo**, para dar resposta ás cuestións formuladas pola señora deputada.

Na rolda de réplica a **señora Rodríguez Dacosta, María del Carmen (S)**, expón novas consideracións sobre a información recibida.

O **señor director xeral da Corporación Radio e Televisión de Galicia, Alfonso Sánchez Izquierdo**, pecha o debate da iniciativa incidindo en moitos dos argumentos expostos na súa intervención inmediatamente anterior.

- 1.2 7914 (12/POC-001395)**
Grupo Parlamentario Popular de Galicia
Pomar Tojo, Carmen María e 8 máis
Sobre o balance que fai a CRTVG dos consumos dixitais, do
seguimento en redes sociais e das liñas que se van seguir no futuro
neste ámbito, así como da situación da páxina web www.g24.gal
Publicación da iniciativa, BOPG n.º 70f1, do 23.08.2024

Intervén a **señora Pomar Tojo, Carmen María (P)**, que pasa e expoñer as razóns nas que se basean as cuestións concretas que se conteñen na súa iniciativa e que aparecen publicadas no BOPG anteriormente subliñado.

Pasa a contestar a esta pregunta, en nome da Xunta de Galicia, o **señor director xeral da Corporación da Radio Televisión de Galicia, Alfonso Sánchez Izquierdo**.

A **señora Pomar Tojo, Carmen María (P)**, fai uso da súa rolda de réplica para agradecer a información recibida, que comenta con novas consideracións ao respecto.

Péchase o debate desta iniciativa cunha nova intervención do **señor director xeral da Corporación da Radio e Televisión de Galicia**, contestando ás cuestións expostas pola señora deputada na súa intervención inmediatamente anterior.

1.3 10645 (12/POC-001816)
Grupo Parlamentario do Bloque Nacionalista Galego
Rodil Fernández, Olalla e 4 máis
Sobre o nivel de respecto que se está a dar na CRTVG do principio de
separación entre a información e a opinión
Publicación iniciativa vía urxencia, BOPG n.º 80, do 10.09.2024

Intervén a **señora Rodil Fernández, Olalla (BN)** para expresar os motivos nos que se basean as cuestións concretas que se conteñen na iniciativa e que aparecen publicados BOPG anteriormente subliñado.

Para a súa resposta intervén por parte da Xunta de Galicia o **señor director xeral da Corporación de Radio e Televisión de Galicia, Alfonso Sánchez Izquierdo**.

Na rolda de réplica a **señora Rodil Fernández, Olalla (BNG)**, manifesta diversas discrepancias coa información recibida e insiste no tema obxecto de debate con novas consideracións ao respecto.

O **señor director xeral da Corporación de Radio e Televisión de Galicia, don Alfonso Sánchez Izquierdo**, pecha o debate desta iniciativa puntualizando a súa intervención anterior e engadindo novos datos.

1.4 10869 (12/POC-001844)
Grupo Parlamentario do Bloque Nacionalista Galego
Queixas Zas, Mercedes e 4 máis
Sobre os criterios informativos adoptados pola CRTVG en relación co
informe do Consello da Cultura Galega relativo á implantación do
complexo de Altri en Palas de Rei
Publicación da iniciativa, BOPG n.º 88f2, do 20.09.2024

A Presidencia concédelle a palabra á **señora Queixas Zas, Mercedes (BNG)**, que pasa a dar conta das razóns que motivaron a formulación desta iniciativa, expresándose en

termos semellantes aos que aparecen publicados no Boletín Oficial do Parlamento.

Para a súa resposta intervén por parte da Xunta de Galicia o **señor director xeral da Corporación de Radio e Televisión de Galicia, Alfonso Sánchez Izquierdo**.

Na rolda de réplica a **señora Queixas Zas, Mercedes, (BNG)**, expón novas consideracións sobre a información recibida.

O **señor director xeral da Corporación Radio e Televisión de Galicia, don Alfonso Sánchez Izquierdo**, pecha o debate da iniciativa incidindo en moitos dos argumentos expostos na súa intervención inmediatamente anterior.

A Presidencia agradécelle ao señor Sánchez Izquierdo a súa presenza e colaboración cos traballos da Comisión, así como ao persoal da Cámara polos servizos prestados.

Remata a sesión ás 12:20 horas.

V. e pr.
Raquel Arias Rodríguez
Presidenta da Comisión

Iago Suárez Fernández
Secretario en funcións da Comisión